



Na osnovu člana 22 Statuta Brčko distrikta Bosne i Hercegovine - prečišćeni tekst (Službeni glasnik Brčko distrikta BiH, broj 2/10), Skupština Brčko distrikta Bosne i Hercegovine, na 12. redovnoj sjednici održanoj 15. jula 2021. godine, usvaja

ZAKON

O IZMJENAMA I DOPUNAMA ZAKONA O ZAŠTITI PRAVA PRIPADNIKA NACIONALNIH MANJINA U BRČKO DISTRIKTU BOSNE I HERCEGOVINE

Član 1

U Zakonu o zaštiti prava pripadnika nacionalnih manjina u Brčko distriktu Bosne i Hercegovine (Službeni glasnik Brčko distrikta Bosne i Hercegovine, broj 41/20), u članu 16 stav 1 mijenja se i glasi:

„(1) Vijeće je savjetodavno tijelo Skupštine Distrikta koje daje preporuke, mišljenja, savjete i prijedloge o pitanjima koja se odnose na prava pripadnika nacionalnih manjina, a čini ga po jedan predstavnik iz svake nacionalne manjine zastupljene u Distriktu“.

Član 2

Član 7 stav 2 se briše.

Član 3

U članu 16 stav 6 mijenja se i glasi:

„(6) Članovi Vijeća imaju pravo na naknadu za rad u visini do iznosa jedne prosječne neto plate isplaćene u Brčko distriktu BiH za prethodnu godinu. Sredstva za naknade za rad članova Vijeća osiguravaju se u budžetu Brčko distrikta BiH.“

Član 4

U članu 16 dodaje se novi stav 7, koji glasi:

„(7) Visinu naknade za rad Vijeća određuje Skupština, na prijedlog Komisije za budžet i prethodno pribavljeno mišljenje Komisije za zaštitu ljudskih prava“.

Član 5

U članu 16 dosadašnji stavovi 7 i 8 postaju stavovi 8 i 9.

U članu 16 u novom stavu 8, riječi „pravo članova Vijeća na naknadu za rad i visinu naknade“ se brišu.

Član 6

Ovaj zakon stupa na snagu osmog dana od dana objavljivanja u „Službenom glasniku Brčko distrikta BiH“.

Broj: 01-02-3140/21

Brčko, 15. 7. 2021. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić